

Was merr su babbeld

Honnes?
Was iss?
Wonn fährt den uff de Markt?
Was moosden?
Vunn mir aus gleich.
Warum nitt, was brauchsd den?
Isch habbderr enn Zeddel geschriwwe.
Wiffell Sache stiehn doo druff?
Ei finf.
Doodeferr brauch isch koon Zeddel.
Nitt?
Naa, finf Sache kann isch behalle.
Wennde moonst.
Also was brauchsd?
Enn Salat, finf Pund Kadoffele, vier Tomate ...
Festkochende?
Festkochende Tomate?
Naa, Kadoffele.
Vier Tomate, drei Äbbel unn e Salatkummer.
Also finf Sache, gut. Soll ich se uffzähle?
Ja, warum nitt.
E Salatkummer, drei Äbbel, drei Tomate ...
Vier Tomate, Honnes.
Vier Tomate, oon Salat und finf Pund Kadoffele.
Festkochende, gelle.
Unn finf Pund festkochende Kadoffele.
Ja.
Gut, isch fahr donn emol.
Soll ischs dirs nitt doch uffschreiwe?
Werklich nitt, isch fahr jetz. Wo essen de Korb?
Den habb isch dir vor die Dier gestellt.
Donkeschee. Isch fahr.

Ei Honnes, du bist joo schunn widder doo?
Isch hadd Glick, noch mir isses voll worn.
Unn, hosde alles?
No klar.
Loss misch emol gugge. Ja, alles doo, prima.
Enn scheene Gruß vunn unsere Nochbern.
Vunn de Käddi?
Ja, vunn de Käddi.
Donkeschee.
Ja, isch richt ihrs aus.
Ja, wonnsde se siehst.
Isch seh die gleich.

Honne549

Wieso dess donn?

Ei Fraa, isch habb alles behalle was isch holle sollt, nor isch hadd dess Geld vergesse unn weil die Käddi, die grad newer mir gestonne hott, dess mettkrieh hott, war se su gut unn hott merr gebummbd. Unn jetzt will ich ihr dess zurigg brenge. Saach emol, wo issen moi Portmonnee?

Eiern Honnes